

Ajankohtasia tietoja sulle joka haet ja maksat hammashoitoa Suomessa

Raahvaat, 20 vuesta

Jos sulla on Ruottissa oikeus valtiolisheen hammashoitotutukseen sie saatat Vakkuutuskassassa hakea korvausta hammashojjosta Suomessa, 10 vuen aikana siittä päivästä kun sie maksoit hoijjosta.

Sie maksat itte hammashojjosta (tutkimuksia ja erinlaisia hammaslääkäriin ja hammashygienistin käsittelyä, materiaali sisälletty) aina 3000 kruunun korkeamaksonsuohjaan asti. Sitten sie saat korvausta näistä:

- 50 prusenttia kostanuksista jotka ylittävät 3000 kruunua.
- 85 prusenttia kostanuksista jotka ylittävät 15 000 kruunua.

Tämä jällaa hammashojjole missä on valtion päätettyjä referensihintoja jokhaisele toiminale joka oikeuttaa valtiolista hammashojjontukea.

Hinnan paneminen on vapa mikä merkittee ette hoijjonantajat (Folktandvården, privatit hammas-hoitokliniikat Ruottissa ja Suomessa) saavat panna omia hintoja.

Jos tämä hinta on korkeampi kun referensihinta sillon sie et saa korvausta korkeaman osan maksole.

Korkeamaksonsuoja räknäthään vuosittain. Se merkittee ette kaikki hammashoitokäsittelyt, jota tehään yhteen kuuluvan 12 kuukauen aikana, räknäthään sinun korkeamaksonsuohjaan.

Jos sulla on ja käytät sinun ylheistä eli erikoista hammashoitobitraakia ette maksaa osan sinun hammas-hoitokostanuksista, sillon bitraaki veethään ennen kun korkeamaksonsuoja räknäthään.

Lapset ja nuoret siihen asti ette täyttävät 19 vuotta

Ruottissa hammashoito on maksuton, siihen asti ette sie täytät 19 vuotta. Sie voit kuitenkin hakea korvausta hammashojjosta joka on tehty Suomessa.

Hoito mikä tehään Suomessa korvataan sillä summala mikä ajankohtanen käsittelyn teko maksaa Norrbottenin Folktandvårdenin hintalistan mukhaan.

Tässä yks esimerkki:

- Korjata yhen reijän maksaa 1500 kruunua Suomessa. Folktandvårdenin hintalistan mukhaan sama korjaus maksaa 1000 kr. Korvaus tullee olheen 500 kr ja sinun kostanus korjauksesta on 500 kr.
- Jos korjaus olis tehty Norrbottenissa se olis ollu ilman maksoa.

■ Lissää tietoja tässä:

Skannaa QR-kooti ette pääset Vakkuutuskassan sivule ”Planerad tandvård utomlands” (Suuniteltu hammashoito ulkomaila)



Skannaa QR-kooti ette pääset Vakkuutuskassan sivule ”Tandvård i Finland” (Hammashoito Suomessa)

